



# ЛЕНИНЭНЬ КИЯВА

1941 ие  
М А Е Н Ь  
9-це чи  
51 (1347) №  
ЛИСИ: 11-це ие,  
12 № конс

ВЛКСМ-нь Мордовской обкомонь ды Саранск ошонь комитетэнь газетаст

## Келейгавтсынек физкультурной базанть!

Физкультурной роботасть те нестэньтэ получась покш размах. Тенень весеме-де пек способствовали комсомолонь вийсэ ютавтозь истят массовой мероприятияне, кода комсомольской лыжной кроссошь ды гимнастикань коряс соревнованиэне. Физкультурникень рядт-не пек седе келейгадсть, физкультура-со кармасть заниматься пек седе серь-ёзна велесэяк. Геде мейле чарькодеви, кодамо покш необходимость эрва кол-хозсо спортплощадкань строямосонь. Самай тень ловозь, маень 5-це чистэ ВЛКСМ-нь Мордовской обкомонь бю-рошь эсь заседанисонзо ванкшнызе физкультурной базанть келейгавтоман-зо коряс вопросонь. Бюрошь лови, што республикасонь ды седеяк пек колхозтнэсэ те шкас яла малавгак аса-тышка физкультурной базасы. Спорт-площадкатнень ды стадионтнень аразы-чист коряс физкультурань ламо видт аволь заслуженна а получить од ло-матнень ютксо келей распространения. Мик ламо райцентрасо, кода Дубенка-со, Атяшевасо ды лиясо те шкас арасть площадкат футболсо налксеманть тур-тов, а футболось, кода содатано, ашти народной спортке.

Мекс истя лиси? Паряк неть рай-онтнэсэ арасть истят од ломать, конат бу налксевельть футболсо? Мекевланк. Эрва райцентрасо можна организова-м аволь вейке команда, но кементь, ан-сяк улест максозь условия. Тень мож-на невтеме Дубенской районоть при-мерсэ. Весемезэ 2—3 иеде седе икеле тесэ ульнесь футбольной командат ды эрва оймсема чистэ спортплощадканть вакс пурनावильть сяdot ломать фут-болистнэнь ваномо. Но меельсэ шкас-тонть райисполкомось футбольной пло-щадканть максызе стройконтрантень, кона путсь тозо кудот, а спортплощад-ка алов керясть мода паксясто. Вана уш кавто иеть те моданть колхозось а сокеи, но кияк тосо а налксекшныяк. Те секс, што таркась аволь ровной, тосо аштит певтеме навоз куцят. Фут-больной площадканть туртов чертасо невтезь тарка, но тосо тожо касы ку-манжава тикше, налксеманть туртов арась кодамоак возможность. Можна муеме ВЛКСМ-нь райкомсто аволь вей-ке решения, конат кортыть спортпло-щадканть уриамо, но секретаресь Фадейкин сынст стувтынзе, физкуль-турниктнень жо сынст эйстэ арась меньшегак лезэ. Улит истят жо реше-ния райцентрань учреждениятнень зярря комсомольской организациисо.

### ВЛКСМ-нь обкомсо

Сень кувалт, што комсомолетнэнь ды од ломатнень пек кайсь интересэст физкультурасо ды спортсо занятиан-тень, ули покш эрвиксчи келейгав-томс существующей физкультурной ба-занть. ВЛКСМ-нь обкомось лови воз-можнойке строяме физкультурникень Всесоюзной III-це чинтень комсомолет-нэнь ды аволь союзной од ломатнень вийсэ республикасонь 35 спортивной площадкы. 102

ВЛКСМ-нь обкомонь бюрось кармав-тынзе райкомтнень ды горкомтнень вей-

конат комсомолонь райкомонь ладсо жо стувтызь эсест решенияст.

Овси истямо жо положениась Атяшев-ской районсо. Тесэ спортплощадкась пирязель вадря пиряксо, ульнесь мик лия райононь команда мар-то Атяшевонь футболистнэнь вастневе-маст, но ней те площадкась кадозь, касы тосо бурьян, пиряксо яжазь. Кодак а чарькодеви се: кода истя хладнокровностэ могут ваномс неть безобразиятнень лангс комсомолонь рай-комонь секретартне?

Истят жо примерт можна невтеме велесэяк. Вана Дубенской районоть «Юпитер» колхозонь од ломат-не эсест колхозонь правления вакс строякшность физкультурной городок. Эрва чистэ тесэ неилить ламо од ломать: конась эйстэст роботы турник-сэ, конась больясо, конась кузни шест-ка. Городоконть мельга ульнесь паро уход, теле лангс наксадыця вещатнень пурнылизь кладовкас. Но вана вель-советсэ чарькодсть, што эрви строяме истямо жо городок целанек велень од ломатнень ды сень таркас, штобу строяме од, ускотызь «Юпитер» кол-хозонь од ломатнень городокост. Саизь ды стувтызь веле куншксо площады. Те паряк аволь берянь. Сонзэ эйсэ за-нимались весе велень од ломатне. Но берянь се, што сёксия сонзэ стувтызь, телень перть пикстэ наксадсть, тур-никень кшнितь ков-бути кандызь ды городокось ней ковгак а маштови. На-ма, истямо бесхозяйственностень пинг-стэ хоть эрва иестэ строяк од горо-док.

Ламо колхозга жо те шкас арасель явозь мель неть городоктнень ды спорт-площадкатнень строямонть, хоть тень туртов а эрви ютавомс меньшегак посторонней затратат.

ВЛКСМ-нь Мордовской обкомонь бю-рошь эсь решениясонзо рекомендовал комсомолонь райкомтнень ды горком-тнень модем просьба марто советэнь местной исполкомтнес районсонть спор-тивной базанть келейгавтоманзо коряс. Обкомось истя жо лови целанек воз-можнойке физкультурникень колмоце чинтень комсомолетнэнь ды аволь союзной од ломатнень вийсэ 35 спорт-площадкань строямонть.

Эрви кемемс, што колхозонь комсо-молетнэ путсызь весе виест сенень, штобу эсест колхозс строяме физкуль-турной городокт, спортплощадкат. Кол-хозонь правлениятне поддержат сынст питней тевест.

сэ физкультурной организациятнень марто тешктамс практической мероп-риятия спортивной площадкатнень строямост коряс истя, штобу физкуль-турникень III-це чинть самс эрва рай-онсонть ды Рузаевка ошонть строяме 10 площадкы а седе аламо, а Саран-скойсэ—25.

Обкомось мерсь ВЛКСМ-нь райком-тнень ды горкомтнень аравтомс воп-рос Советэнь местной исполнительной комитетнэнь икелев районсонть ды ош-сонть спортивной сооружениятнень строямонть.



Московсо Маень васенце чинть празднуемось.

СНИМКАСОНТЬ: В. М. Молотов, И. В. Сталин, К. Е. Ворошилов, Г. М. Маленков, Л. П. Берия ды А. С. Щербаков ялгатне молят Красной площаде.

Фотось Ф. Кисловонь, (ТАСС-нь фотохроника).

## СССР-нь Верховной Советэнь Президиумонть Указозо

**В. М. Молотов** ялганть СССР-нь Народной Комиссартнэнь Советэнь Председателень обязанностнень эйстэ олякстомтомадо

В. М. Молотов ялганть зярряксть яволявтоманзо кувалма седе, што сонензэ стака топавтомс СССР-нь Совнаркомонь Председателень обязан-ностнень Иностранной Тевтнень Народной Комиссаронь обязанностнень то-павтоманть марто ве шкасто, топавтомс В. М. Молотов ялганть энялдоманзо СССР-нь Народной Комиссартнэнь Советэнь Председателень обязанностнень эйстэ сонзэ олякстомтомадонзо.

СССР-нь Верховной Советэнь Президиумонь Председателесь **М. КАЛИНИН.**

СССР-нь Верховной Советэнь Президиумонь Секретаресь **А. ГОРКИН.**

Москов, Кремль.  
1941 иень маень 6-це чистэ.

## СССР-нь Верховной Советэнь Президиумонть Указозо

**И. В. Сталин** ялганть Народной Комиссартнэнь Советэнь Председателекс назначамо

Назначае Иосиф Виссарионович Сталин ялганть СССР-нь Народной Ко-миссартнэнь Советэнь Председателекс.

СССР-нь Верховной Советэнь Президиумонь Председателесь **М. КАЛИНИН.**

СССР-нь Верховной Советэнь Президиумонь Секретаресь **А. ГОРКИН.**

Москов, Кремль.  
1941 иень маень 6-це чистэ.

## СССР-нь Верховной Советэнь Президиумонть Указозо

**В. М. Молотов** ялганть СССР-нь Народной Комиссартнэнь Советэнь Председателень Заместителекс назначамо

Назначае Иностранной Тевтнень Народной Комиссаронть Вячеслав Михайлович Молотов ялганть СССР-нь Народной Комиссартнэнь Советэнь Председателень Заместителекс.

СССР-нь Верховной Советэнь Президиумонь Председателесь **М. КАЛИНИН.**

СССР-нь Верховной Советэнь Президиумонь Секретаресь **А. ГОРКИН.**

Москов, Кремль.  
1941 иень маень 6-це чистэ.



## ОД ЛОВНЫЦЯТНЕНЬ ОШОНЬ КОНФЕРЕНЦИЯСТО

## Неень шкань ломанесь советской литературасонть

ВКСМ-нь Саранской горкомонть инициативанзо коряс маень 6—7 читнестэ Саранск ошсо ютавтозь од ловныцятнень конференция.

Конференциянтень аноктамонь шкас тонтть ошонь промышленной предприятиянева ды учебной заведениянева ульнесть литературной вечерт, теезельть докладт, эрзянь ды мокшонь поэтно выступали эсест произведения марто. Конференциянтень аноктамонь ламодо лездась сенень, штобу од ломатнень ютксо седеяк пек кепедомс художественной литературавень ды, васняк, неень шкань советской художественной литературантень интереснень.

Ды вана маень 6—7-це чинь чокшнетнестэ центральной библиотекакь залонтень пурнавкшность сидот од ловныцят — производственникть, служащият, тонавтницят ды студентт, комсомолецт ды аволь союзной од ломать.

Педагогической институтонь преподавательс А. Бихтер ялгась теись доклад: «Социалистической строительствась ды од ломанень образось советской литературасонть».

Докладчикесь невтизе, кода советской литературасонть, сонзэ развитиань васень читнестэ саезь, кармась невтеме од, минек шкань ломанень образось. Сон тешкетсь, што од, аволь икеднень кондямо, но овси лия, советской, социалистической ломанень невтемась ушодовсь великой пролетарской писателенть А. М. Горькоень ды советской эпохань талантливейшей поэтанть В. Маяковскоень творчествасост.

Советской писателенть эсь произведениясост невтесть минек масторонть развитиань эрва башка этапстонть положительной типт, геройт, истят ломать, конат эсь эрмось апак жала вантась Октябрьской революциянь завоеваниянтень гражданской войнань иетнестэ (Фурмановонь — «Чапаев», «Мятеж», Н. Островскоень — «Как закалялась сталь», Фадеевонь — «Разгром» ды лият). Зяряя писателть невтесть восстановительной, реконструктивной периодонь геройт, масторонь индустриализациянь ды коллективизациянь шкань геройт, ломать, конат боронясть Советской Союзсо социалистической строительстванть кис.

Советской писателенть сёрмадсть ды сёрмадыть истят произведенияткак, конатнестэ невтит уш минек чинь ломать. Но докладчикесь пек аламо ёвтась самай сеть произведениятнеде, косо кортамось моли минек чинь ломатнеде. Сон ансяк кой-зиро валт ёвтась Ю. Крымовонь «Танкер-Дербент» повестенть кувалт ды лептинзе сеть художественной, правдивой, минек читнень невтиця произведениянтень, конатнень сёрмадызь аволь профессионалт-писательт, но практикань ломать, специалистт, стахановецт, кодамоак подвижень участникть.

Кортамэ жо эряволь самая истят произведениятнеде, конатнестэ невтезь минек чинь ломатне, сынст героической тевест, подвижест. Вейкеяк вал докладчикесь эзь ёвта седе, кода неень шкань поэзиясонть невтезь од ломанень образось.

Конференциянть роботамонь васень чистанть Бихтер ялганть докладонзо коряс прениясо выступили Маскаев ды Еурзанова ялгатне.

Маень 7-це чистэ прениясо кортасть Евтаськин, Башкатова, Макаров, Кириллов, Курзанов, Сидорин, Самородов ды Холопова ялгатне.

Докладчикесь ёвтась нюрка заключительной вал ды отвечась вопроствань лангс.

Теде майле ульнесь литературно-художественной часть.

Тень эйсь конференциясь эсь роботанзо прядызе.



СНИМКАСОНТЬ: Од ловныцянть ошонь конференциянь залсонть (Центральной библиотека)  
Фотось К. Касперань.

## ОД ЛОМАНЕНЬ ОБРАЗОСЬ РАПТАНОВОНЬ РОМАНСОНТЬ

Маскаев ялганть выступлениязо

Маскаев ялгась кортась седе, кода од, советской ломанесь невтезь эрзянь литературасонть.

— Эрзянь литературась еще пек од. Сон кассь ды кась минек шкатнестэ, минсенек марто вейсэ. Секс сонзэ эйсь, васняк, невтеви минек шкань эрмось ды ломатне. Эрзянь эрва писателенть, эрва поэтанть произведениясост парсте или беряньстэ невтезь советской шкань, социалистической строительствань шкань ломать, сынст эрмось, тевест, чувстваст ды мелест-превест.

Сень, мезесь волнует ловныцянть, минь мутано Кономанинень, Мартыновонь, Вечкановонь ды лия поэтань стихтнестэ. Кривошеевеньгак малав весе стихензэ сёрмадозь социалистической шкань ломанде ды сынст тевдест. Од минек чинь ломать минь нейдяно П. Кирилловонь «Васенце урок» повестьтанть, Коломасовонь «Лавгинов» романсонть, наторй Радаевонь «Садостник» ды зяряя лия писателень ды поэтань произведениясто. Но минек литературасонть од ломанень образонь, положительной типень невтемасонть улитть еще пек ламо асатыкст. Секс покш асатыксь сеньсэ, што минь положительной типнень а нейсынек тевсэ, сынст положительнойкс можна ловоме ансяк секс, што эйсест автортне ёжовтомо швыть, ёвтинь сынст кувалт. Бути минек писателенть арсить

невтемс положительной тип, то сонзэ рисовасызь истямокс, кодат ломать алкуксонь тевсэ арасть.

Эсь выступлениясонзо Маскаев ялгась сех покш мель явсь покойной Т. А. Раптановонь «Чихан пандо ало» романсонть советской шкань эрзянь велень од ломанень положительной типень невтеманень.

— «Чихан пандо ало» романонть лиссь ансяк васенце пельксэзэ. Авторонтень эзь саво прыдомс омбоце пельксэнт. Но се, мезе сон сёрмадсь — талантливой писателень покш изнявкс. Тероманось — васенце удачной снаторма невтемс минек шкань од ломань. Авторонтень сехте парсте удалась главной героесь комсомолецсь Сеель. Сон ды ялганзо невтезь эсь развитиасост. Сыннь невтезь тевсэ, весе качестваст марто. Сынст улитть эсест паро ёнксост, улитть лавшо ёнксостак, улитть кавтолдомаст, пережиткаст. Эсь бороцямосост вастнень естественной стака марто, но сыннь бороцить неть стакатнень каршо ды извить сынст. Ломатнень сознанияст одкстомтоманть кис, сынст эйсь пережиткатнень кис бороцязь Сеель ды сонзэ ялганзо, васняк, кармась витеме эсь асатыкстань. Раптанов положительной типтнень невтинзе видестэ, эрмосонть весе сынст удачасть ды неудачаст, мелест-превест ды чувстваст марто.

## НЕВТИНК МИНЕК ШКАНЬ ГЕРОЙТНЕНЬ

Сидорин ялганть выступлениязо

Писателнтнень эряви лакамс эрймонть эйсь. Сонзэ апак сода а сёрмадови паро, правдивой произведения.

Ламот кортыть Ю. Крымовонь «Танкер-Дербент» повестенть. Шаньт эйсэзэ. Монь мельсак сон тусь. Монень вечкеви, малавиксэкс маряви Басов механикесь ды танкерань весе командась. Те истя секс, што ломатне невтезь трудонь процессанть эйсь, невтезь тевсэ, невтезь эрва ёндо, видестэ ды убедительнойста. Парсте невтезь танкерань коллективенть виезэ ды вейсэ сонзэ марто мельс паросо аштят сеть изнявкстань кис, конань теинзе те дружной коллективесь, ломатне, конатнень организовинзе, сплотил ды кепединзе стахановской роботас коммунистэ Басов.

Мекс истя вадриасто лиссь Крымовонь повестесь? Секс, што авторось парсте содылизе эрймонть, роботанть, ломат-

нень, конатнеде сон корты. Ломатнень авторось саинзе эрймонть истямокс, кодат сыннь алкуксонь тевсэ.

А минек писателнтне, поэтно беряньстэ содасызь эрймонть ды ломатнень. Секс сыннь сёрмадыть ансяк седе, мезе неить менельстэ, а неить перькаст эрймонть ды а сёрмадыть сонзэ кувалт.

Сидорин ялгась корты од писателнтнень ды поэтань асатыкстнеде, терди эйсест сенень, штобу сыннь тонавтневлизь эрймонть, кармавольть эсь произведениясост невтеме минек шканть, минек чинь ломатнень.

Седе тов Сидорин ялгась кортась седе, мезе художественной литературасонть интересует од ломатнень, од ловныцятнень. Кортась седе, што писателнтнень, поэтанень эряви сёрмадоме дружбадо, ялгань отношениадо, коллективизмадо, ломатнень воспитаниадо.

ЭРЯМОНЬ ПОКШ  
ВИДЕЧИНЬ КНИГА  
Башкатова ялганть  
выступлениязо

— А ёвтанияк кодамо впечатления кадови эйзэть, зярдэ ловносак Пфлаумерань «Моя семья» книга, — корты Башкатова ялгась, — сонзэ пек покш воспитательной значениязо.

Книганть сёрмадызе аволь профессионал писатель, сёрмадызе сонзэ советской ава, кона ёвтни, кода сон эсь эйде ладсо тряс-кастась тетявтом-ававтомо кадовозь 5 эйкакшт.

Благородной тев теись Пфлаумер ялгась. Сон эсь семияс сайсь воспитаниянь кис 5 эйкакшт, конат вишкнестэ кадовсть тетявтом-ававтомо. Пфлаумер ялгась сонсь кармась улеме тест сехте нежной, жалиця, седей мария авакс. Ды эйкакштнэ овси а содыльт седе, што сыннь эрить ды касыть аволь родной тетянь-авань кедсь. Эйкакштнэ кис проявляли покш забота Пфлаумер ялгась ды сонзэ мирдэзэ. Кастась ды тонавтсь сынст эйсь. Воспитывали трудонть вечкеме, ломатнень, эсь ялгатнень вечкеме. Воспитывали эйзэст воля ды настойчивость, эсь родинантень вечкеме.

Пфлаумер ялгась ёвтни сеть стакатнедеяк, конатне вастневильть эйкакштнэнь воспитаниянь коряс сонзэ весе роботасонть, мезеяк лангс апак вано сон кастынзе сынст, ливтинзе ломанькс. Вейкесь эйзэст, Сережка, кармась улеме летчикекс.

«Моя семья» книга — минек шкань, од, советской ломанде правдивой произведения. Сон аволь ансяк невти, кода эряви воспитывать эйкакшт, но невти сеньгак, кодамокс эряви улемс минек масторонь эрва ломанентень, цёрантень ды авантень.

БЕЗЗУБОВАНЬ  
ТВОРЧЕСТВАСОНЗО—  
МИНЕК ЭРЯМОСЬ

Кавтаськин ялганть  
выступлениязо

— Советской литературасонть од ломанень образдо вопросонть толковомонть кувалт, — ушодызе эсь выступлениязо Кавтаськин ялгась, — мон арсян кортамэ минек сказительница Фекла Игнатьевна Беззубовань творчествадонзо. Сонзэ творчествазо пек многогранной. Фекла Игнатьевна малав весе произведениястонзо минь нейдяно од, минек шкань ломанень облик.

Эсензэ сказитнэсэ ды моротнэсэ Беззубова ялгась невти ломать, конат теинить чудесат, невти сынст трудонть сынст благородной качестваст. Сон моры минек масторсо социализмань торжестванть, минек сюап, радостной эрймонть. Сонзэ сказитнэсэ ды моротнэсэ ёвтась советской народонть вечкемазо, благодарностезэ ды преданностезэ великой Ленинань ды Сталинань, конатне минек макссть истямо замечательной эрймо. Теке марто Беззубова ялгась эсь произведениятнесэ тонавты родинанть вечкеме.

Эрва писателнтень, поэтантень арась седе благородной тема сень коряс, кодамокс ашти советской ломанень невтемась. Ды тезэ сынст ули мезес тонавтнемс сказительница Ф. И. Беззубова ялганть пельде. Эрзянь литературасонть Фекла Игнатьевна произведенийанзо аштить васенце, конатнесэ сех парсте ды видестэ невтезь минек шкас, эрмось, од, советской ломанесь, творческой трудось, народонть ютксо дружбасть. Беззубова ялгась моры седе, мезесь волнует минек масторонь трудичатнень, волнует ловныцянть. Сонзэ произведениязо эрзянь литературасонть аштить сень образецкс, кода эряви сёрмадомс, морамс социализмань строица ломатнеде, сынст героизмадост ды мужестводост.



## Комсомолецна ветить культурно- массовой работа

«Красный пахарь» колхозонь комсомолецна ветить культурно-массовой работи колхозниктень ютксо. Клубонь организавость драматической кружок, конань эйсэ 24 комсомолецны 8 аволь союзной од ломать. Драмкружокось ютазь ковчестэ тейнесь 8 спектаклят. Колхозной клубонь сенавть лангсо сеетсьэ выступает хорвой кружокось, конань организавись минек комсомолецна. Драмкружоконь ды хорвой кружоконь выступленияне ютнить покш успех марто.

Комсомолецна ветить культурно-массовой работа паксаянь стантнесэ. Весе комсомолецна явсезь бригадава, ней сынэ ютавнить беседат, ловнокшныть газетат, колхозниктень толковать партиантэ ды правительствань постановлениаст передовой колхозниктень трудост дополнительной пандоманды.

Кавксо комсомолец роботыть непосредственно колхозной производствасо. Сынэ невтнить трудонтень социалистической отношениян образец К. Н. ды И. Геранюшкин комсомолецна свал велеска тонавтнить выработкань норматнен, роботань качества вадра. Парсте ветить уход сынест прикрепленной алашатнен мельга. Аккуратно тонавтокшныть бригадирэн весе нарядтнен.

Агитационно-массовой ды практической эсь роботасост комсомолецна лездать колхозонтень бороцямс покш урожаень кис.

В. Сальников.

Краснослободской р-н.

## Школасо оборонной роботась

Вадрясто аравтозь оборонно-физкультурной роботась минек райононь зярый школасо. Теде кортыть ламо примерт. Истя, Ст. Горышенской неполной средней школосонть меельсь шкастонть анокстэз ЮВХО нь 30 значкист. Ней тонавтницян покш группа аноксты максомс норматнен ЮГСО-нь значоконть лангс.

А беряньстэ ладязь оборонной значоктнен лангс норматнен максомантень анокстамось Шаверской неполной средней школосонть. Тесэ тонавтницянен ютксо оборонной роботантень яви покш мель комсомольской организациась (секретаресь Колушова ялгась).

Но районсонть еще улит истяткак школат, косо лавшосто аравтозь оборонно-физкультурной роботась. Сайсынек, примеркс, Н. Усадской неполной средней школанта. Тесэ алак анокста вейкеяк значкист. Истя жо беряньстэ тевесь ашти Черн. Высельской ды М. Паркиянской школалтнесэ.

Неть школань директортненень ды комсомольской организациатненень умок уш шка пучомс пе оборонной роботань недооценконтень ды аравтомс тонавтницятнен военно-физкультурной воспитанианть передовой школалтнен примерэст коряс.

И. Сучков,

ОСО-нь Краснослободской райсоветэн председатель.

## Састь, ванызь ды тусть...

Старшей пионервожатой Д. Дубинина ялганть мелезяк уш молекснес: эрва чистэ тензэ Покш Марсеева велень средней школань пионерта кортыльте седе, што эрва саемс шефства колхозонь вашотнен лангсо. Пионерта тензэ квартиравгак акасть тень кувалт. Ды весть, зярдо эйкакштне таго кармасть кортамо шефстадо, Дубинина ялгась мерсь:

— Ну, адыдо эно варштасынек...

Ды ветинзе пионертаэн колхозной кудов.

Конюхось ветинзе сынест тов, косо ульнесь вашотне. Ванкшнызь-теизь ды тусть кудов. Тень эйсэ придовсь весе «шефствась».

П. Букин.

Чамзинской р-н.

## ВЕЙКСЭЦЕ „Б“ КЛАССОСЬ

Вана уш кавто четвертень перть школань переходящей якстере знамянь кирди 9-це классось. Сон завоеванной аволь аняк классной руководителень Екатерина Учаева ялганть ды преподавательтнен упорной трудсо, но весе коллективенть усилятнесэ. Классонт славной тевтнесэ парсте неяви комсомольской группоргонть, пионервожатонть ды эрва тонавтницянть роботаст.

Омбоце четвертьстэнт Н. Бородулин ды А. Швецов литературань коряс письменной роботань кис получить берянь оценкат. Классонт кедьстэ якстере знамясь саезель, но те четвертьстэнт сонзэ эзизь максокшно, ведь сестяк 9-це «Б» классось ульнесь васень таркасо. Аняк кавто берянь оценкатне аштеть раужо пятнакс весе коллективент лангсо. Тенсь ульнесь чумот аволь аняк Бородулин ды Швецов, но пионерской ды комсомольской организацииак, классной руководителеск ды весе группась. Сынэ эсь шкасто эзть максо тонавтницятнен эрвикс лексес, секс Бородулин ды Швецов получить берянь отметкат.

2-це четвертьтэ игогтне классонтень ульнесь пек покш урокок. Сынэ невтизь, што эрва еще седейк пек мелявтомс эрва тонавтницянть успехензэ кис, штобу эрвась маряволь ответственность аволь аняк эсензэ кис, но ялганзэ кисэяк. Теде ульнесь кортазь пионерской сборсо, комсомольской ды ученической собраниясо. Дружань атмосферась, коллективизмань чувствась, вейкен-вейкен туртов лездомось пек седе кепедизь успеваемостенть ды дисциплинанть.

Югась истэнтэ Рычков тонавтницянь малав весе предметнэнь коряс получакшнось берянь отметкат. Кой-китэ аресть, што сон овси а витеви, зярдо-як а карми парсте тонавтнеме. Но вана Рычковнень кармасть лездамо отличниктне, пионерской ды комсомольской организациась. Сонензэ ёвтильте, кода седе парсте организовамс самостоятельной занятиятнен, толковильте тензэ а чарьковедикс востротнен. Екатерина Учаева ялгась вейсэ тонавтницятнен марто сонензэ сеетсьэ яксесь кудов, кортиль Рычковонь тетязо-аванзо марто. Рычков беряньстэ тонавтнесь секс, што нузалдыль теомс уроконзо, ловномс эрвикс материал, школасто самодо мейле малав весе шканзо ютавтилизе эрва куваякамос. Ялганть лездомост коряс сон лияктомось, кармасть серьезна тонавтнеме ды арасть ней сонзэ берянь отметканзо.

Колмоце четвертьстэнт 9-це «Б» классонтень таго максозь переходящей якстере знамясь. Сех парсте тонавтне-

манть кис соревнованиясонть классось лиссь изнипакс.

9-це «Б» классось ламо тевть тейни учебной программанды башка. Екатерина Учаева ялгась организоваць руководельнэ кружок. Цэратне ды тейтертне тесэ тонавтнить сенень, кода стамс панкс понкс-панарс, цюлкас ды лия оршамопельс. Лида Яшкова ды Ольга Стрижова сынэ эстет-стаст кофат-украинкат. Антонина Кручинкина мельс-паросо ёвти седе, што сынест семиясо сондензэ вадрясто кияк а машты плаштань стамо, цюлкань пантлеме.

Югась иень сёксня тонавтницятне эсь инициативаст коряс тейсть лугатнен экерной с'емка, тейсть эсест веленть ды лугань пельксэнь картат. Сешкастонть тень кувалт мезеяк арасель ёвтазь учебной программатнесэ. Тельня жо МАССР-нь Наркомпросось мерсь истямо с'емкат тейнемс седе сеетсьэ.

Екатерина Учаева мелявты сень кис, штобу тонавтницятне чиде-чис кепедельть эсест культурной кругозорост, тонадовольть разбираться сложной востротнесэ. Телень перть тонавтницятне анокстакшнось зярый докладт эрва кодамо темас. Примеркс, Миша Коротков теекшнесь доклад империалистической омбоце войнадонть, Лида Яшкова ёвтнесь радионь историйдонть.

Курок ушодовить испытаниятне. 9-це «Б» классонь тонавтницятне кармасть испытаниятненень анокстамо колмоце четвертьтэ придовома малав. Люба Пескова повторила тонавтнема иень перть ютазь малав весе материалонть. Теке жо школосонть лия классонь тонавтницятне пеняцить, што сынест шкаст а сатни, а содыть мейль тейнемс: урок анокстамс или повторять ютазь материалонть. 9-це «Б» классонь тонавтницятнен жо шкаст сатни уроктнен анокстамскак, ютазь материалонть повторениятненгак ды оймсемскак. Люба Пескова чокшине 6 чассто сакшны школасто, аламос оймсемадо мейле карми анокстамо очередной уроктнен. Любань трудовой чизэ ушодовкшны рана: стякшны сон валске марто 6 чассто. Школав туемадо икеле повторять ютазь материалонть. Истя тейни аволь аняк Люба, истя тейнить 9-це «Б» классонь лия тонавтницятнеяк. Тонавтницятнен шкаст организовамосонть покш заслугазо Учаева ялганть. Учебной класктнесэ, чокшне ды чить 9-це классонь тонавтницятне анокстыть испытаниятненень. Весень бажамост вейке: парсте максомс испытаниятненень, а менстямс эсь кедьстэ якстере знамянь.

П. Ильин.

Саранской район, Посопонь средней школа.

## Сядо комсвейксэ значкист

Парсте аравтозь военно-физкультурной роботась Алова велень средней школосонть. Роботыть зярый оборонной кружокт.

Военрукось Горшков ялгась анокстась ПВХО-нь 1-це ступенень 25 значкист. Ней аноксты 12 воршиловской стрелок. Маень 1-це чинть самс 25 тонавтниця максызь норматнен ГСО-нь значок лангс ды 25 тонавтниця—БГСО-нь значок лангс. Тень коряс сынест ютксо роботанть ветясь учительниця Андроннова ялгась.

12 тонавтниця Ямкова ялганть руководстванзо коряс анокстыть максомс норматнен ПВХО-нь II-це ступенень значок лангс. Аверьянов ялгась 20 тонавтниця аноксты ПВХО-нь I-це ступенень значкистэкс.

Истямо ладсо, школосонть кармить улеме 129 тонавтниця оборонной значок марто.

В. Начаркин.

Атяшевской р-н.

## Вадря ялга ды воспитатель

К. Н. Родина роботы старшей пионервожатойкс Киржеманонь неполной средней школасо. Сонзэ свал можна неомс эйкакштнен юткето, сонзэ вечксызь тонавтницятне прок вадря старшей ялгань, кода эрва шкасто может максомс тест эрвикс лексес.

Родина ялгась парсте руководит отрядной пионервожатойтнен роботаст эйсэ. Сонзэ руководстванзо ды лексэнзэ марто школосонть вадрясто аравтозь пионертаэн ды тонавтницятнен художественной самодеятельностес. Истя, примеркс, Маень 1-це чистэ тонавтницятнен художественной самодеятельностэнь коллективесь выступал интересной программа марто.

Отрядной пионервожатойтнесэ сех парсте роботы О. Чувалова.

М. Кудашкина.

Чамзинской р-н.

## Анокстатано Лермонтовской читненень

Покш Маризь велень средней школась аноксты Лермонтовской читненень. Рузонь келень ды литературань преподавателент В. Я. Безнаева ялганть руководстванзо коряс тонавтницятне анокстыть ловномо Лермонтовонь стихотвореният.

7-це классонь тонавтниця Г. Еремкин ловносинзе «Бородино» ды «Тамань» произведениятнен. Беликов карми ловномо «Колмо пальмат» стихотвореният ды «Герой нашего времени» романсонть «Максим Максимыч» отрывканть, Л. Николаева—«Поэтэнь куломазо» стихотворениятны ды ламо лият.

П. Букин.

Чамзинской р-н.

## Сех вадря класс

Сехте вадрякс Гуляевской средней школосонть ловови 10-це классось. Успеваемостесь тесэ колмоце четвертьстэнт ульнесь 100 процент.

Классонт весемезэ тонавтницятнеде 25, сынест эйтэ 11 отличник ды ударник. Сынест юткето сех партнэ Сухоруков, Гуськова, Суркова.

А. Кавтаев.

Ичалковской р-н.



СНИМКАСОНТЬ: Саранск ошонь педучилищань сех вадря гимнастэ (керш ёндо витев) П. Давышин, Н. Бабенков, Д. Батов, (омбоце рядсонть) Н. Макаров, П. Артамонов, И. Смолькин, В. Новтин.

Фотось. Б. Козловонь.



## ПАКСЯСТО КУЛЯТ

Комсомолецтнэ молить  
сех икеле

Келейста аравтозъ социалистической соревнованиясь Редкодубьевской «Красногвардеец» колхозонь колхозниктнень ютксо. Колхозниктне покш энтузиазма марто бороцить тунда видемань нурька шкас ды паро качества марто ютавтоманзо кис.

Соревнованиясь сех икеле молить комсомолецтнэ ды од ломатне. Паксянь роботатнесэ сын свал велика топавтыть нормаст.

П. Кубасов комсомолецтнэ звеназо сокамсто 1,25 гектаронь таркас эрва чистэ макени 2,75 гектарт. Сонсь Кубасов ялгась роботы саялкасо, норманзо топавтни 120 процентс.

Комсомолецтнэ-агитатортнэ свал эрсит паксясо, ютавтиять колхозниктнень ютксо беседат, бригадатнесэ подтинить стенгазетат.

Вадрасто роботыть паксясо истя жо Смольковской вельсоветнэ Сталин ялгант лемсэ колхозонь комсомолецтнэ. Примеркс, Егорова ялгант комсомольско-молодежной звенань видицяс Стеняхин меельце вете читнень перть норманзо топавтызе 130 проц.

И. Антонов.

Ардатовской р-н.

Паксясо культурно-массовой  
роботась

«2 пятилетка» колхозонь колхозниктнень ютксо вадрасто аравтозъ культурно-массовой роботась. Паксянь станс эрва чистэ кантнить свежа газетат. Неделязонзо вест лисни стенгазета.

Паксянь стансонть ули радио. Ладязь медицинской обслуживания. Колхозниктне могут получам медицинскую лескс роботамо таркасост.

М. Балащенко.

Ичалковской район.

## „Кода мелезз сайсы...“

Апрелень 27-це чистэ ушодовсть тунда видемань роботатне Тарасова велень «Труд» колхозонь. Кода невтить васень читне, трудонь организовамосонть паксясо роботатнень ютавтоманть коряс улит покш асатыкст.

Арась кодамояк согласованность колхозонь председателть Ф. Парамонов ялгант ды бригадиртнень ютксо. Бригадиртнень нарядонь максомсто свал эрсит лезэвтеме спорт. Видемань коряс роботатнень васень читнестэ саязь, Парамонов ялгась весткак арасель паксясо. Сон тевсэ а соды, месь тейнит, кода роботыть бригадатне, башка колхозниктне. А мелявты сень кис, штобу парсте организовам трудонь, эсь шкасто ды вадра качества марто ютавомс тунда видемань.

Мекевланк, Парамонов ялгась тейни истят тевть, конатнень кувалт лиснить паксянь роботатнесэ задержкат. Вест нилеце бригадань бригадирь И. Свойкин ялгась сакшнось правления, штобу нолдавольть бригадатнень продукт общей питанияс ды видметь. Документнень оформили, но председателсь сынст не подписал. «Мезеяк а нолдан ды весе, тевсэ монь», — пшкадсь сон ды кармаь бригадирь И. Свойкин ялгант марто сёвномо. Продуктат общей питанияс ды видметь арасель нолдазь. Тень последствияс ульнесэ се, што бригадась омбоце чистэнт эзинзе топавто сеть роботатнень, конатнень эрваволь бу теомс.

Колхозонь председателденть колхозниктне истя кортнить: «Кода мелезз сайсы, истя теи». Но сонзэ «мелень сайнемазо» эрси истямо, што тень эйтэ колхозонтень, колхозной производственень берянде башка мезеяк а эрси. Секс эрви пе путомс истямо «мелень сайнемантень».

С. Янский.

Козловской р-н.

Европасо, Африкасо ды Азиясо  
войнась

(Маень 7-це чистэ военной действитнень дневник)

Германской командованиянь сводка-сонзо пачтнени, што маень 7-це чинть каршо вестэнь германской авиациянь покш вийтне тейсть налетт верфтнень, военной заводтнень, промышленной предприятиянь лангс, конат аштит Клайд леень районсонть. Бомбардировазь истяжо Ливерпулень, Ньюкаслень ды Плимутонь портовой сооружениатне ды верфтне.

Секе жо вестэнь английской бомбардировщиктне тейсть налетт Северо-Западной Германиянь эрва кодат объектнень лангс. Английской авиациянь главной вачкодкесэ, кода пачти Рейтер агентствась, ульнесэ нолдазь Гамбургонь лангс.

\*\*\*

Северной Африкасо германо-итальянской войскактне, конат совасть Тобруконь кемекстэз райононтень, германской командованиянь сводканзо коряс, отбили английской частнень контрата-

каст. Соллумонь секторсонть тешкстнени разведывательной отрядтнень активностест. Военной действитнень мешась песоконь пек виев бурась.

Абиссиниясо английской частне, конат ветить наступления Десси ошонтэ эйтэ, шаштэ Амба-Алаганть маласо итальянской позициятнень (Аддис-Абебанть эйтэ север ёно).

\*\*\*

Ираксо бойтне икеле ладсо сехте пек молить Хаббания аэродромонь районсонть (Багдад ошонтэ эйтэ запад ёно). Ираконь артиллериясь леднес аэродромонть лангс, тейсь пек виев колавома сонзэ сооружениатнень. Вастрынь районсонть, ёвтэз английской сообщениясонть, сатьме. Германской информационной бюрось пачти, што иракской войскактне отразили Рутба портонть каршо английской танкатнень атакаст.

(ТАСС).

Общинатнень палатасонть Иденень  
выступлениязо

Кода пачти Рейтер агентствась, иностранной тевтнень английской министр-рась Иден, кона общинатнень палатасонть выступал военной положениядонть вопросонть коряс, невть што Киренаикасо английской войскактнень наступлениатнень путозь бронетанковой частнень пек покш вийть. Зарья коловонь перть сын апа лотксе участвоваст операциятнесэ ды сынст эрвась максомс оймамо ды возможность теомс машинатнень ремонт. Англиясь не мог седе тов Бенгазинть ёнов ветямс наступления некеть жо бронетанковой вийтнень марто. Тень кувалма, ды истя жо Грециянь положениянзо кувалма, английской правительствась решась лоткавомс Бенгазинть маласо наступлениатнень ды анокстас вийть сехте нурька шкасто Грециятнень лесксэнь максоманть туртов.

Иден тешкстызе, што Грециятнень лесксэнь максомадо решениясь ульнесэ пек рискованной, бути ловомс Ближней Востоксо английской армиянь вооружениянзо асатоманть. Но, невть сон,

се шкастонть саязь Ближней Востоков апа лотксе кучевсть ломать ды военной материалт.

Ираксо событиятнеде кортазь, Иден ёвтэсь благодарность Турциянь ды Египетэнь правительстватнень посредничествадонть сынст предложеният кис. Но, являвсь сон, минек васенце условияс ашти Хаббаниясто Иракской войскактнень саямась ды Ираксо английской войскактнень каршо военной действитнень лоткавомась. Англиясь карми решительнойстэ настаивать весе обстоятельствоень пингстэ Ираконтэ ёндо договорной обязательстватнень топавтоманть лангс.

Прядомсто Иден являвсь, што Американь Соединенной Штатаз макснить Англиятнень покш лескс, ды тешкстызе, што, ков соде покш карми улеме те лездемось ды ков седе курук сон пачкдо Азиясо, Африкасо ды Европасо битвань паксятнес, тов седе нурькине ули войнась.

(ТАСС).

## СТИМСОНЬ ВЫСТУПЛЕНИЯЗО

США-нь военной министр-рась Стимсон кона выступал радио велде, тердизе американской военно-морской флотонтэ обеспечамс Англияв вооружениятнень безопасной пачтнemannь.

Симсон являвсь, што США-сь ашти безопасностэз нападениянь эйтэ. Но бути океантнень лангсо контролесэ понги враждебной державатнень кедьс, то обстановкась сеске жо лиякстоми, ды океантэ кармит улеме США-нтэ лангс чожа нападениянь туртов кикс.

Стимсон невть, што германской наступлениясь тейни угрозат Атлантической океансонть английской контролентень, контролентень, кона кувака шкань перть обеспечивал США-нтэ безопасностензэ.

## Гибралтарсто аватнень ды эйкакштнень эвакуациясь

Германской информационной бюрось пачти Гибралтарсто весе аватнень ды эйкакштнень эвакуациядонть. Гибралтарсо кадовица весе ломатне тердевить военной службас. Иностранецтнэ ды испаниясто беженецтнэ истяжо эваку-

ировавить, сетнеде башка, конат могут улемс саязь Гибралтаронь оборонантень. Весе промышленностэсь мобилизовазь военной заказтнень топавтоманть туртов.

(ТАСС).

## Туниссэ тифень эпидемия

«Ассошиэйтед Пресс» агентствась пачти, што французской Туниснь весе территориянь лангсо пек ламолгалить тифсэ ормалгалематне. Медицин-

ской экспертизэ являвтинить, што эпидемиясь теесэ туземной населениянь берянь питаниянзо кувалма.

(ТАСС).

## МИНЕНЕК СЕРМАДЫТЬ

Тонавтиять военной  
тевенть

Босогор велесэ парсте аравтозъ оборонной роботась сехте пек од ломатнень ютксо, конат тедице кармит призываться Якстере Армиянь рядтнэе.

Зарья од ломать участвать ГСО-нь ды ПВХО-нь значокт. Аволь умек акусеркас Носова ялгась анокстэсь ГСО-нь 8 значкист. Дурнов ялгась вете допризывникт анокстэсь ПВХО-нь значок лангс норматнень максома.

Допризывниктне ней тонавтиять допризывной подготовкань программанть коряс, покш мельсэ овладають военной знаниятнесэ, анокстыть сенень, штобу свал улемс аноккс эсь родинанть ванстома.

Г. Суяймин.

Б.-Березниковской р-н.

Решениятне надовкшныть апа  
топавто

Майдан поселкань комсомолецтнэ эсь собраниясо зарья уш теекшнесть решения седе, штобу организовам Осоавиахимень кружок.

Кружоконть руководителекс аравтозель ВЛКСМ-нь членсэ Канаев ялгась. Сонензэ мерезель сех маласо шкас-тонть ушодомс комсомолецтнень ды аволь союзной од ломатнень ютксо военно-физкультурной робота.

Ютасть зарья ковт, а Канаев ялгась те шкас мезеяк эзь тее.

Комсомольской организациясонть арась бороцамо эсь решениятнень топавтоманть кис, арась максозь поручениятнень топавтоманть проверямо. Секс истя лисниак: тейнить решеният, макснить порученият ды сын истя надовкшныть конёв лангс.

Н. Светкин, И. Юртаймин.

Кочкуровской р-н.

Мезе ваны комсомольской  
организациясь?

Ст. Селищань неполной средней школосонть беряньстэ аравтозъ оборонно-физкультурной роботась. Ве шкане ульнесэ организоваз кружок ПВХО-нь значок лангс норматнень максома анокстамонть коряс. Руководителекс аравтозель П. Вечканова ялгась. Теде мейле ютась шкась аволь аламо, но Вечканова еще эзь кундсе сонензэ порученной теветень.

Мейсэ жо тонавтиятнень ютксо военно-физкультурной роботанть эйсэ не занимается школьной комсомольской организациясь?

В. Урявин.

Б.-Игнатовской р-н.

## Чаво валт

Те ульнесэ еще тельня. Собраниясо толковасть вопрос неграмотнойтнень ды малограмотнойтнень тонавтомадо. Нянгилей велень школань директорсь Торгаев ялгась зарья кортасть те вопросонть коряс ды мейле максэ вал: добавасынек, келя, сень, што малограмотностень ды неграмотностень ликвидациянь прядсынек Маень 1-це чинть самс.

Зяро-бути шкань ютазь учительтэ ды тонавтият—весемезэ 14 ломань—явозельть культурмеецкс. Эрвась дожен ульнесэ тонавтомс 2 ломать. «Большевик» колхозсонть неграмотнойтнеде ловэвилить 10, малограмотнойтнеде—20 ломань. Вейкеяк культурмеец эзь кундсе тевс. Торгаев ялгась вечки макснемс валт, сайнемс эсь лангс объявлять, ансяк а мелявты сынст топавтоманть кис.

Н. Гераськин.

Чамзинской р-н.

Ответ. редакторсь А. ЩЕГЛОВ.